

LOTI I GOTËS SË DEHUR

---

ADEM ZAPLLUZHA

# LOTI I GOTËS SË DEHUR

Redaktor:  
Xhevahir Cirongu

Recensent:  
Mazllum Baraliu

Lektor:  
Xhevahir Cirongu

LOTI I GOTËS SË DEHUR

---

ADEM ZAPLLUZHA

# LOTI I GOTËS SË DEHUR

Shoqata e Shkrimtarëve  
“Fahri Fazliu”  
Kastriot, 2014



## FJALA E REDAKTORIT

Poet i fjalëve e vargjeve të zjarrra që kanë brenda dashurinë njerëzore.

Të shkruash vargun poetik nuk është e lehtë, për më shumë atëherë kur ke të bësh jo thjesht se një poezi do krijosh, apo do ngelesh aty te ai prag guri që s'do vazhdosh rrugëtimin e shkallëve krijuese më tej.

Me një intuitë krijuese, duke marrë me vete edhe penën e ngjyer me pjalmin e botës shpirtërore, autori i shumë librave me poezi, siç është i mirënjohuri tashmë i letrave shqipe, dhe që ka depërtuar në gjithë kategoritë e masës së lexuesve; që nga lexuesi akademik gjer më i thjeshti. Pra, ai është poeti Adem Zaplluzha. Ai, në radhë të parë plotëson kuadrin e të qenurit njeri, pra sa intelektual, po aq edhe njerëzor, me thjeshtësinë e fjalës e që lexohet shumë thjeshtë, por në vetvete e gjithë gama e botimeve të këtij autori mban gjithësinë gjeografike në shtrirje, dhe atë filozofike në mesazhet që përcjell për te masa e lexuesve.

Po të vështrosh me kujdes këtë "liqen" krijimesh të autorit Zaplluzha, sidomos të kohëve të fundit; këtu kemi parasysh krijimet dhe botimet e fillim shekullit të XXI bindesh shumë lehtë, sepse shifra e titujve të botimeve të librave me poezi shkon deri tani në 97

vepra letrare. Muza e krijuese e këtij poeti ka një fillim qysh në moshë të re, por pjekuria krijuese e tij zbriti si një meteor qiellor brenda shpirtit në moshën madhore të pleqërisë; së bashku me bukën e thekur të vargut poetik.

Poezia e A. Zaplluzhës hapet si ujëvarë e derdhet në shtratin e Lumëbardhit të Prizrenit, por ndalet me vargun e petaltë të trëndafilave shumëngjyrësh, dhe u jep aromën e zambakut të bardhë kur i lexon nëpër vargun e poezive të këtij poeti aty në vëllimet poetike. Shumëkush që ka lexuar poezitë e poetit kosovar, është befasuar, sepse aty gjen forcën e dashurisë njerëzore, të atdhedashurisë, të lirisë, por edhe tragjiken, dhimbjen, etj.

Poeti di ti këndojë shpirtërisht me vargun poetik, lumit, gurit, zogjve, tragjedive njerëzore, yjeve, hënës e qiellit, pemëve, lotit të nënës, gjer te ëndrrave e të shkuarës e të asaj së ardhmes, pra shpresës për të jetuar të lirë e të lumtur. Edhe në këtë vëllim që është i 98 në serinë e botimeve, autori na paraqet me një tufë buqetë poezish të arrira letrare. Mënyra e stili i të shkruarit, te poeti Adem Zaplluzha, na jep tingullin e ëmbël në vargjet e shkruara dhe të ngrohin qenien shpirtërore përgjatë leximit. Krahasset, metaforat, e gjithë figurat e tjera letrare, na jepen të qarta e plot kumbim që të frymëzojnë. Vëllimi me titull " Loti i gotës së dehur" është me të vërtetë një libër poetik

i arrirë artistikisht letrar që i shtohet bibliotekave tona nga autori A. Zaplluzha.

Te poezia “Degët e thyera të pemëve” autori ndërthur qartazi faktet e simbolikat letrare. ...Dhe më konkretisht:

.....

“Sot është e hënë?!  
Të martën bie shi në qytetin tim”.

Ose:

“Një grua e moshuar i shtinë në rruzare  
Ëndrrat e zambakëve të pa çelur,  
Edhe në duart e saja  
Plot rrudha  
I lodhën njerëzit e pemëve”.

Mendimi i poetit nuk rri brenda vetes, por ecën duke kërkuar shtigjet e fshehta edhe te poetët e tjerë. Ai thur vargun e kujtimit për atë, dhe gufon shpirtërisht se miku i tij poet bëri varg poezie që mbetën në memorien e lexuesit tonë si lapidarë me mbishkrimin e fjalës poezi.

Poeti shkruan për poetin! E kush mund të shkruaj më mirë se poeti për poetin!? E pra, veç poetët për poetin kurrkush s’mund të thotë fjalën e dashurisë dhe të pikëllimit përveç se ata, në të gjallë apo në të vdekur!Poeti kosovar Zaplluzha, duket se bashkë

me dashurinë e dhimbjen për poetin Frederik Reshpen, është ulur këmbëkryq mbi pentagramin e vargut. Ai shprehet qartazi se e do poetin edhe kur ai është larguar prej vitesh, por i ringjallur se ka lënë vargjet e pavdekshme të poezisë. A. Zaplluzha e shpreh me këto vargje respektin ndaj kolegut dhe mikut poet, Rreshpeja. Në poezinë “Miku im i mirë” shkëputëm këtë strofë ku shkruan:

“Miku im i mirë  
Kur je i trishtuar,  
Ulu në dhimbjen tënde  
Dhe recito vargje nga Reshpja”.

... Por, Adem Zaplluzha, di të presë e të përcjellë edhe vdekjen e dikujt, sa me dhimbje e me trishtim, sepse ajo është pjesë e jetës sonë, një funeral i pa shmangshëm në rrugëtimin e jetës sonë. Vjen një ditë e dashuria hidhërohet kur largohet një i afërm i jonë nga kjo botë. Këtë e shpreh dhe e simbolizon me qarjen e zogjve, me këngën e vajit e të baladave. Dhe më konkretisht, ai shkruan midis të tjerave se:

“Kur qajnë zogjtë  
Si nëpër balada këndojnë rapsodët,  
Me lahuta të verbëta”.

Po të lundrosh me varkën e mendimit nëpër poezitë e vëllimit më të ri të poetit Adem Zaplluzha “Loti i gotës së dehur”, do ndjesh aromën e luleve të pranverës në tre kapitujt e librit. Gjerdani i vargjeve



poetike të ngërthen gjithë qenien e shpirtit dhe të japin forcë për ta jetuar jetën. Fjalët e poetit janë prush si zjarri dhe lëshojnë xixa ndriçuese përgjatë leximit të tyre. Poeti sfidon moshën, dhe vargu i poezisë e rinon atë. Kjo një dëshmi e vërtetë dhe filozofike, sepse ai na jep faktin më domethënës krijimtarinë e bollshme dhe cilësore me botimet e tija. Kështu, ky poet i palodhur ka sfiduar çdo hamendje se duhesh me patjetër të jesh i ri në moshë që të shkruash poezinë. E gjithë esenca e poetit Adem Zaplluzha është e ndërtuar mbi këtë fakt që para lexuesit vjen me vëllimin më të ri, (nr. 98 libra).

Në poezinë me titull “Pak është vonë” ai shprehet në këtë mënyrë duke dhënë forcën e jetës dhe mposhtjen e vdekjes

“Pak është vonë  
Ndoshta nesër do nisem  
Deri te golgota.  
Atje ku çdo njeri vdes çdo ditë,  
Për një drejtësi  
Të padrejtë”.

Mesazhet e poetit janë kokëforta deri në rrugëtimin e pafund. Në një tjetër poezi me titull “Ku po të lëmë kështu?” na kujton moshën e pleqërisë, ndoshta personazhi kryesor mund të jetë edhe vetë autori aty. Atij i dhimbset më shumë se vetja atdheu, sepse vendlindja dhe balta do bëhen vatra

e përjetshme, kurse poezia me vargun e saj do tingëllojnë fuqishëm te brezat që do e lexojnë. Kështu, edhe A. Zaplluzha nuk i trembet vdekjes, e na jep mesazhin e jetës duke u dashuruar pas asaj. Të punosh për atdheun është sublimi më i madh që i ke bërë vetes. Te Adem Zaplluzha e gjen pikërisht te fjala e shkruar shqipe që lë për Atdheun aty në librat e shkruara e sidomos te poezia. E ku ka më bukur se kështu!? ...Dhe citojmë vargjet e poezisë:

“Po na përcjellin pleqtë  
Me pak lot,  
e me shumë pikëllim.  
Po të lëmë si qyqen  
Atdheu im!”

Poezia të rinon e të jep jetë. Ajo është e pavdekshme. Fjala e poetëve dhe e poetit kosovar A. Zaplluzha, ka fjalën e zjarrit dhe ngroh shpirtin e njerëzve e në veçanti të lexuesit të poezisë. Në Besianë një lexuese e poezive të autorit, para disa kohësh kur po zbrisnim nga autobusi së bashku me autorin në qendër të qytetit u shpreh kështu: “Po të presin lexuesit, i nderuar poet”

*Xhevahir Cirongu!*  
*Durrës, dhjetor 2013.*

*Si një imazh i largët  
Cikli i parë*



## EJA SONTE

Eja e dashur!  
Eja sonte t'i ndezim kandilat e hënës.  
Nesër do të të përcjell herët  
Pa çelur trëndafilat,  
Ti do të jesh me ëndrrën tënde.

Eja sonte, kam nevojë  
Aq shumë kam nevojë !..  
Për dorën tënde mbi supin tim  
Sa që po më zihet fryma.

Mos më lërë në pritje të verbët  
Eja të shikojmë,  
Se si derdhen vezullimet e yjeve  
Nga flokët e thinjur të hënës.

Eja, e dashur eja,  
Mos më lërë  
Të lutem mos më lërë të pres.  
Vetminë tim të dërmuar  
Sonte kjo natë  
Askujt nuk i përket.

Askujt e dashur...!  
Përpos teje dhe trëndafilave,  
Që presin të çelin nesër  
Mbi pastelet e psalmeve.

*Prishtinë, 15 shtator 2013*

## KUR DËNESIN PEMËT

Ti e dinë e dashur  
Se unë për dashurin time ,  
Bisedoj me drurët  
Zogjve ua ndjej cicërimën në fluturim.

Kur flas me barin  
Më dalin para sysh bretkosat e verdha;  
Dhe këndojnë  
Deri në pambarim psalmet  
E pa kënduara.

I thërras shirat që në mëngjes  
Kur dita zgjohej,  
Nga shpirti i gjetheve shtrydhi  
Rrëshirën e rrënjëve ,  
Për shërimin e plagëve të lëvres.

Kur dënesin pemët,  
Në lagjen tonë qajnë edhe burrat.  
Drurët i veshin këmishët e zeza  
Dhe ecin trotuareve blu,  
Pa krenari  
Sa që u përngjajnë endacakëve.

## **AKOMA NUK KUPTUAM**

Kur kam kohë bisedoj me vetveten  
Nga drurët huazoj durimin...  
Dhe eci nëpër kujtesën e fëmijërisë.  
Më kujtohen pilivesat  
Këpucët e varura nëpër telat elektrike  
Më duken sa qesharake.

Rrugët e kalldrërta  
Po aq edhe serioze,  
E di se këndeje  
**K**anë kaluar kuajt e luftës  
Tok me kuajt e drunjtë.

Ne nganjëherë u përngjajmë  
Jashtëtokësorëve!  
Ecim si pemët nëpër mjegull  
Dhe asnjëherë,  
Nuk ndalemi të burimi.

U mësuam,  
Me shekuj ta durojmë etjen  
Pranë lumenjve e deteve,  
Akoma nuk kuptuam  
Se si ankorohen anijet e fundosura.



Bredhim rrugëve të panjohura  
Si bufat nëpër tela,  
Kur na pyesin për prejardhjen tonë  
Fajin ia lëmë historisë.  
Megjithatë ,  
U përngjajmë të burgosurve kryeneç.

## KY GJETH QË BIE NË TOKË

Ndal, moj përse ikën  
Duart e tua i përngjajnë degëve,  
Më përqafo si bliri  
Ashtu siç i përqafo  
Shqisat e të nuhaturit aroma e tij.

Unë jam sot vetvetja ime  
Ky gjeth që bie në tokë .  
Më duket se ,  
Asnjëherë nuk ishte në degë  
Ti kaloje rrugës si një hije e veshur  
Me fustanin e nusërisë.

Unë nuk desha ta shoh etjen  
Në sytë e tua shtrihej shkretëtira.  
Ti edhe ashtu hyre  
Në një ëndërr të vdekur,  
Kur nga shpirti im rebel  
Fluturuan zogjtë e ngrirë.

Pranvera po ashtu ishte fishkur  
Diku në majat e lisave,  
Degët hije rënd  
I veshën këmishët e zeza  
Mbase dimri ishte të portat e lagjes.  
*Prishtinë, 16 shtator 2013*

## AJO ISHTE DIELLI

Ajo është dielli  
Dhe hija ime përcjellëse.  
Kur nuk jam mirë me vetveten  
Nxjerrë nga shpirti i saj,  
Një lloj eliksiri  
Dhe m'i shëron plagët  
Që nuk mund t'i shëroj asnjë mjek.

Ajo është nusja ime  
E cila mbi dyzetë e pesë vjet  
Nuk e ka hequr,  
Duvakun e bardhë të nusërisë.  
Me gjasa,  
As që mendon ta heq ndonjëherë  
Çdo fjalë e saj,  
Është bekim sykaltër.

Si një hije ecën nëpër fjalët e mija  
Dhe ma freskon shpirtin,  
Kur në hidhërimin tim  
Si foshnjat e lënë nëpër faltore  
Qajnë edhe gjethet.

Ajo është një melhem shërues  
Për lazdrimet e mija,  
Sa herë që u përngjaj poetëve  
Kryengritës.  
Me një gotë të ëmbël prej fjalëve  
Më zbret në tokë,  
Nga kulmi i hidhërimit tim.

## KRYQI IM PRTEJ LOTËVE

Kaluan, ose më mirë me thënë  
Ikën kohërat e mira!  
Po ashtu po ikin edhe vitet  
Hijet e tejdukshme,  
Kanë filluar të zbresin luadheve.

Bastuni im i ka lëshuar flokët  
Në gjysmë shtize,  
Vjeshta e trishtuar i hyri në shpirt  
Kollitet si lisat pleq,  
Në çdo hap po i merren këmbët.

Ikën ditët dhe kohërat  
Diku në fund të kësaj ecjeje.  
Më pret,  
Me padurim më prët një arkivol  
Ka kohë që nuk pushon së qari  
Kryqi im prej lotëve.

## MË PRIT MOJ VOGËLUSHE

Shoh në buzët e tua të pa puthura  
Një ëndërr intime,  
Shoh kah galopojnë kuajt e egër  
Nëpër mendimet e tua prej  
Një adoleshenteje.  
Galopojnë dëshirat  
E nuk ndalen në asnjë liman.

Ti ecën rrugëve të kalldrërta  
Si një sutë e pazbutur,  
Flokët e tua të gështenjta  
U bëjnë hije,  
Zogjve të mendimeve.  
Ti kalon lehtë buzë Lumëbardhit  
Si një mbretëreshë,  
Që kurrë nuk mendoi për abdikim.

Më prit moj vogëlushe e egër  
Më prit kur të rritesh,  
Si një shelgje shortuar që pret  
Shiun e vonshëm të pranverës.

Më prit!  
Unë do të jem te Ura e Gurit.  
Aty ku për herë të parë ,  
U takova me buzëqeshjen e erës.

## PIKONTE TRISHTIMI

Unë fare mirë di se sa të kujtohen  
Shelgjet e pikëlluara,  
Vetëm atë çast qeshën...  
Kur ti i krehe në shuplakat e tua  
Flokët e verdha të mjegullave.

Zogjtë putheshin si dy njerëz  
Mbase imitonin puthjet tona.  
Era e fortë e vjeshtës,  
Nuk kishte tjetër alternativë  
Përpos të këndonte te një zgërbonjë.

Në vend se të ishe e lumtur  
Nga shpirti yt si rrëshira e mykur  
Pikonte trishtimi?!.  
Ti i lë flokët te rrapi  
Dhe u zhduke me erën.

Më pastaj se çfarë ngjau  
E mësuan vetëm kalldrëmet Ilire,  
Kur qante zemra jote , mendjelehtë  
Takat e tua të thyera,  
Filluan të trokasin në çdo portë.

## SHKO KU TË DUASH

Po t'i lë të hapura të gjitha udhët  
Nëse do,  
Shko ku të duash.  
Unë më nuk kam kohë  
As mundësi me të pritë.

Këtu çdo ditë bien shirat  
Është stina e lotëve,  
Ditët janë tepër të gjata  
Kur njeriu vuan.

Nëse shkon sonte,  
Kthimi do të jetë i pamundshëm.  
Të lutem!  
Mendo dy herë  
Para se ta qesësh hapin e parë.

Po t'i lë të hapura të gjitha udhët...  
Shko ku të duash!  
Largohu nga kjo letargji e dashurisë,  
Por nëse ikën  
Sonte mbyllen të gjitha udhët.



## JAM PO AI NJERI

Ka kohë që ndjej lodhje  
Eshttrat kërcasin si flakët e pishës,  
Lëbyrjet e syve  
M'i rëndojnë qepallat.

Kurse ti akoma paske mbetur  
Po ajo nuse e re,  
Nën duvakun e vajzërisë  
Sot po i fsheh të gjitha trishtimet  
E një unaze të heshtur

Shiko se si kam mbetur  
Si një zog krahë thyer,  
Jam po ai njeri  
I ngarkuar me dhembje.

Ti atë natë ike diku larg  
I përngjaje zogjve shtegtarë,  
Dole nga shpirti yt kallkan  
Dhe si mashtrimi hyre  
Në botën e gënjeshtreve .

Kaluan qindra vite qensh të zgjebosura,  
Dhe po aq trishtime rrodhën  
Nën brigjet lapërdhare  
Të Lumëbardhit.

Ndoshta ishte dita dhe koha e gabuar  
Ose vet jeta e jonë,  
Ishte një gabim  
I papërmirësueshëm.

## SOT MË NUK JAM UNË

Kjo stinë e luleve  
Rri ulur mbi një rrasë guri,  
Rri dhe si qyqja vajton  
Lindjen e kallkanëve në ulluqet e çative.

Më duket se në çdo hap  
Si bari,  
Po mbinë kristalet prej akujve.  
Çdo fjalë e jote dhemb,  
Si kallkan prej zjarri ma djeg trurin.

Hesht !  
Mos fol asgjë sonte.  
Lëre dhembjen time të shkrihet  
Si ajo copë akulli  
Në zjarrin përvëlues të jetës.

Sot më nuk jam unë  
Por një qenie,  
Pa peshën e saj specifike  
Që bredh rrugëve të ferrit  
Deri në asgjësim.

## DEGËT E THYERA TË PEMËVE

Sot është e hënë,  
Të martën bie shi në qytetin tim.  
Kallinjtë tunden si të ishin të dehura  
Mes zambakëve të bardhë ...  
Ti si fantazmë i kërkon  
Ëndrrat e tua të sfilitura.

E di të mërkurave  
Sërish ka filluar,  
Të bie shi në flokët e erës.  
Po ai shi,  
Që binte para dyzetë vjetëve,  
I përzier me lot nusesh  
Kur vajtonin  
Si zogjtë e trishtuar te lama e drithit.

Ditët këtu nuk kanë emra  
Ose kanë mbetur të zbrazëta  
Si shpirtrat e hijeve..!

Një grua e moshuar i shtinë në rruzare  
Ëndrrat e zambakëve të paçelur,  
Dhe me duart e saja  
Plotë rrudha,  
I ledhaton njomësit e pemëve.

Ditët këtu vdesin për një emër  
Buzë trotuareve...  
Dalin vashat dhe i ndajnë  
Buzëqeshjet me kalimtarët e rastit.

Era si e trentë frynë fustanet e shqyera  
Degët e thyera të pemëve ,  
Lakohen deri në tokë  
Nga pesha e ngrirë e kallkanëve.

## **KALON DETE E MALE**

Dashuria i përngjan zogut rebel  
Fluturon edhe me krah të thyer,  
Prej një çatie në tjetrën .

Kalon dete e male,  
Kur fundoset si anijet e pa ankoruara  
Asnjëherë nuk i lëshon dizgjinët e erës.

Mes tërbimit të dallgëve  
I kafshon hënëzat e verdha,  
Dhe i përngjan varkave të humbura.

Kur vjen mbrëmja hynë në ëndrrën e gjumit  
I përngjan baladave të vjetra,  
Për të nesërmen asnjëherë nuk mendon.

*Prishtinë, 17 shtator 2013*

## **NËPËR KËTO RRUGË TË PASOSURA**

Kur hingëllimat e kuajve bashkohen  
Me përgjumjet e hijeve,  
Një dele e egër blegëron në sukë  
Paska ardhur pranvera.

Ti akoma endesh rrugëve  
Hulumton prejardhjen e gjetheve,  
Dhe shpirtin e dikurshëm  
Të një udhe të vjetër,  
Që i zgjon nga letargjia  
Arabaxhinjtë e kotur.

Ndoshta në këtë përgjumje të ngurtë  
Hingëllon edhe nata hileqare,  
Nëpër këto rrugë të pasosura  
Kaluan edhe ujqërit,  
Ashtu siç kalëronin kalorësit e zinj.

Ah, ajo udhë e gjatë!  
E një kohe të egër dhe të paharruar...  
Mbi kalldrëmet e lëmuara ilire  
Fshihte një tradhti të lëngtë,  
Zgjatej si gjarpri i zi.  
...E nuk kishte askund të sosur  
Sa që i përngjante pabesisë.

## **IA FALËN EDHE DASHURINË**

Perëndit e mi të ngratë  
Nuk mund të hynë në hinore,  
Më shumë se njëmijë vjet  
Enden rrugës Via Ignatia.  
Dhe si eremitët e humbur  
Dehen me lot gjethesh të njoma.

Pandërprerë bredhin si hijet  
Nëpër sinorët e atdheut,  
Mbjellin nga një lastar dafine  
Dhe prej rrënjëve të rrapeve.  
Shtrydhnin një lloj eliksiri  
Për shërimin e plagëve të nuseve.

Perëndit e mi të mermertë  
Në çdo kohë,  
Shndërrohen në statuja të lëngëta  
Mes kolonadave prej gjaku.  
U bëjnë hije luftëtarëve të atdheut  
U bëjnë hije atyre,  
Që kësaj toke të bekuar  
Ia falën edhe dashurinë.



## **TË MBIJË E NESËRMJA**

Në këtë çast hyjnor,  
Dua që lirikat e mija të enden  
Prej një cepi,  
Në cepin tjetër të atdheut.

Të bisedojnë me njerëzit  
E zakonshëm,  
Për dhembjen e përditshmërisë.

Dua që çdo varg i imi  
Të burojë nga thellësitë,  
Si uji i kristaltë i Sharrit kryeneç  
Për t'i ujitur dhe mbajtur në jetë.  
Shpirtrat e lisave  
Që me shekuj qëndruan vertikalisht.

Të rendin si eremitët  
Nëpër shpirtrat e njerëzve,  
Duke mbjellë nga një copë shprese.

Mbi çdo shkëmb të stralltë  
Të mbijë e nesërmja,  
Me modestinë  
E bukurin e lirikave të mija.

## CILI PLEP

Koha është që sonte  
T'u përngjajmë njerëzve,  
Duhet të jemi të vetëdijshëm  
E dashur!

Të mos grindemi si fëmijët  
Për çdo imtësi banale,  
Të mos i thyejmë gotat  
Për kokën e njëri - tjetrit.

Kjo natë nuk duhet t'i përngjan  
Netëve të tjera!..  
E cila në shpirtin e saj  
Ruan një kujtesë të paharruar.

Të cilën e di ti më mirë se unë,  
E dimë kohën kur e mbollëm plepin.  
I mbajmë në mendje çastet  
Kur i kishim sytë e kaltër.

Me siguri të kujtohet  
Kur një vjet më vonë,  
Në të njëjtën natë dhe kohë  
E mbollëm edhe plepin e dytë.

Edhe pas dyzetë e pesë viteve  
Nuk mësuam asnjëherë,  
Se cili plep  
I lëshoi më thellë rrënjët  
Në shpirtra tona të sfilitura.

## **PADUKSHMËRIA**

Jam bërë i padukshëm!  
Nuk më njohin as fushat e plagosura.  
Ky luadh,  
Ku është fishkur bari  
I ka humbur të gjitha shpresat.

Edhe ky lis paska mbetur  
Si një kërcu i vetmuar,  
Nga rrënjët e tij pikon helmi.  
Si fjalët,  
Që vrasin fluturimet e zogjve  
Kur shtegtojnë,  
Në atdheun e tyre të kafshuar.

Kjo padukshmëri  
Mbase mbi njëqind vjet,  
Banon te njerëzit  
Dhe asnjëherë  
Nuk u përngjan njerëzve.

Çdo gjë në këtë imazh duket  
Si plumbi i padukshëm,  
I zarfeve të verdha  
Që shtegtojnë nëpër kontinente.

Jam shndërruar në një pjesë të sëmurë  
Që s' shërohet,  
Me asnjë melhem.  
Kjo dhembje koke gati një shekull  
Po troket,  
Në portat e mbyllura të atdheut.

## SI NJË IMAZH I LARGËT

Të kam thënë e dashur  
Se puthja e jonë ka mbetur,  
Si një imazh i largët.  
Jemi lodhur,  
Çdo gjë sot i përngjan  
Vetëm si një mirazhi në kujtesë.

Ishte mirë tepër mirë  
Në ato kohërat e mira,  
Edhe ne ishim si dy pëllumba  
Të egër në degët e një peme.

Herë grindeshim  
E herë i gjuanim çarçafët,  
Përtej dritareve  
Kur banonim në katin e parë.

Njëherë patëm qesh deri në mëngjes  
Me zgjuarsinë tonë në thonjëza.  
Qeshëm !  
Ngase nuk ishim në gjendje,  
T'i numëronim puthjet tona .  
Dhe mbetëm,  
Siç the ti atë natë  
Injorant të lindur në matematikë.

## **KAM NEVOJË**

Sonte më duhen duart e tua  
Kam nevojë,  
Sa shumë kam nevojë ..!  
Për një buzëqeshje  
Kjo kohë po brenë shpirtin.  
Vetmia si qeni i egër  
Më kafshon në zemër.

Mos shko askund  
Nëpër të cilët udhë i lë,  
Zërat e gjetheve  
Që aq bukur dukeshin  
Nën flokët e jastëkut të djersitur.

Po më kumbojnë në shpirt  
Hapat e tua,  
Si daullet e trishtimit  
Po dëgjohen,  
Të rrahurat e zemrës së thyer.

Sonte kam nevojë vetëm për ty  
Mungesa e jote,  
Po ma zë frymëmarrjen.

Më kupto e dashura grua  
Unë kam nevojë për ty,  
Sa shumë kam nevojë  
Për aromën  
E lëkurës tënde me aromë bari.



## VETËM NJË QYQE MALI

Ik dhembja e ime  
Largohu sonte,  
Mua më mjafton kjo qetësi  
Dhe hëna që lundron.  
Si një varkë e thyer  
Në qiellin e mrrolur të kujtesës.

Askush nuk këndon  
Askush edhe nuk qanë,  
Mbase kanë vdekur  
Sonte serenatat!?

Vetëm një qyqe mali  
Përmallshëm është duke dënesur,  
Nën vetullat shkulura  
Të meteorëve.

Çfarë po ngjan sonte me ikjet?!  
Fluturuan atje prapa diellit  
Edhe lejlekët e fundit,  
Vetëm dhembja e ime  
Troket,  
Ç'mendurisht po troket  
Nëpër dyert e hapura të Lumëbardhit.

## **NJË DITË DO TË KTHEHEM**

Pas shpine s'dëgjohet asnjë fjalë  
Vetëm era memece,  
Frynë e fryn ngadalë  
Një mal me gjethe veshur  
Parakalon si kardinal.

Nëpër shitoret e kinkalerive  
Mund të blejmë,  
Arkivole të bardha dhe të zeza  
Te kajsishtat e lagjes  
Shkunden ditët si kujtimet.

Të lutem, më prit edhe mua  
Një ditë do të kthehem,  
Me tërë peshën e viteve  
Do të kthehem,  
Ngarkuar me fatin e trishtimit!

Të lutem!  
Mos më merrni për të keq,  
Ky jam unë i tëri me gëzimin  
Dhe hidhërimin tim,  
Më pranoni ashtu si isha dhe jam sot.

*Kur e përkundnim mbrëmjen*  
*Cikli i dytë*



## **NJERËZIT DHE RRUGËT**

Mbrëmë më ra në sy  
Se si flasin rrugët,  
Flasin, por askush nuk i kupton.  
Frymëmarrja e tyre  
U përngjan atyre të gjetheve  
Nganjëherë qeshin si drurët.

Më duket se kanë një gjuhë të përsosur  
Vetëm era kupton alegorinë e fjalëve.  
Dhe lisat,  
Që i përcjellin me një sy ecjet e njerëzve  
Kur qeshin rrugët,  
Qeshin edhe vitrinat.

Mbase qepenat e vjetër luajnë  
Si në ndonjë teatër antik,  
Një lloj pantomime  
Që nga kohërat homerike.

Njerëzit dhe rrugët,  
Më së miri kuptohen njëri me tjetrin.  
Ua dinë hallet,  
Dhe qajnë si një kërthi  
Kur qajnë edhe lisat buzë rrugëve  
Të rrënuara prej shirave.

Çuditërisht mbrëmë kuptova  
Se gjuha e një vaji të rrugës,  
Sa shumë i përngjan gjuhës së njeriut  
Që i këndon psalmet e një kohe,  
Kur qanin dhe qeshnin rrugët  
Si njerëzit parahistorik.

## **PO TË KISHA MUNDUR**

Po të kisha mundur  
Do i zbritja yjet një nga një,  
Mbi flokët e tua kaçurrela  
Në gjumin tënd do i sjellja  
Të gjitha ëndrrat e fëmijërisë.

Po të kisha mundur  
Me shekuj,  
Nuk i kisha ndalur fjalët  
E gjetheve kah bien në prehrin tënd.

Do isha njeriu më i lumtur  
Me atë pantomimë pa fjalë ,  
Pa zë dhe me një lëvizje  
Po aq banale.

Po të kisha pasur mundësi  
Të shndërrohem në hije të padukshme;  
Do ta përcjellë deri në amshim  
Ty dhe siluetën tënde të mëndafshtë.

Po të kisha mundur!..

## **BINI DAULLEXHI**

Po bien e s'pushojnë daullet  
Bini!  
E mos u ndalni  
Bini mbi lëkurën time  
O daullexhi.  
Bini deri në asgjësim të ekzistencës.

Si zërat e shirave  
Ushtojnë sonte tupanët,  
Ushtojnë  
E nuk ndalen shushurimat  
E gjetheve të njoma.

Bini e mos e ndalni këtë lojë  
O daullexhi!

Dëgjoni diku pas atyre maleve  
Janë zgjuar jehonat,  
Si rrënjët  
Shushurijnë shpirtrat pagan.

Në gëzimin e pagurit  
Zgjohen edhe nuset,  
Sonte po vallëzojnë lisat  
O daullexhi.



Kujdes!  
Po zbresin nga malet  
Zërat heroike të një kohe.  
Po zbresin,  
Shpirtrat e gjyshërve .

Po zhaurinë  
Si ujëvarat e legjendave,  
Dasmata s'paskan të ndalur  
Bini daullexhi!  
Bini daulleve të kushtrimit.

*Prishtinë, 18 shtator 2013*

## SECILI PREJ NESH

Secili prej nesh  
Një ditë do të udhëtojmë me shirat.  
Pas dendësisë së mjegullave  
Fshihen zogjtë e fatit.

Secili prej nesh kur u këndellëm  
Vetëdija vraponte si kaprolli i frikësuar.  
Imazheve të ngrysurat  
Para nesh,  
Si shkretëtira shtrihej e panjohura.

Të tjerët thoshin nënë buzë:  
Pastë fat !  
Ky njeri i vogël  
Çfarë urate nga njerëz të pafat  
Kur u rritëm veç ishte natë.

Këndonim ndonjë psalm  
Fjalët i përngjanin gurëve të kuq,  
Që e rrokullisnin  
Fëmijët e Sizifit,  
Që nga fëmijëria duke bartë  
Atë pjesë dheu të padukshëm të jetës.

## **NJË ZOG**

Thonë se ju kanë parë  
Duke ecur këmbëzbathur,  
Mbi njelmësinë e lotit  
Te një deti.  
Peshqit vinin pas jush  
Po ashtu kuajt edhe luanët.

Një njeri pagan si një lis  
Qante mbi një dunë prej rëre,  
Qante për ikjen e stinës  
Sa më shumë dëgjohej vaji i pikëllimit.  
Aq me tepër,  
Zhdukej zëri i shkretëtirës.

Një njeri si një madhështi  
Me një kalë të bardhë ,  
Kalëronte mbi re.  
Kurse njeriu tjetër pagan  
Me të dy këmbët mbeti vetëm në histori.

Thonë se po çfarë nuk flasin?!  
Për anijet fluturuese,  
Dhe ato planetare...!  
Një zog akoma noton  
Nëpër qepallat e njelmëta  
Të Detit Jon.

## NË NJË RRUGË ASNJANËSE

Në gjeografin e shpirtit hynë  
Dhe dalin qindra lloje meteorësh.  
Mbyten detet,  
Shtrëngatat e ujit qohen peshë  
Në kiçet e anijeve të fundosura  
Vallëzojnë hënëzat e verdha.

Ky njeri i mirë që është duke  
Shkel mbi trishtimin tim,  
Mbase është dërguar nga yjet  
Dora dhe shpirti i tij kallkan.  
Bisedojnë me rruazat e kuqe të gjakut  
E gjaku i ngrirë,  
Po heshtë si përmendore.

Kah janë nisur njerëzit  
Në këtë kohë të pakohë,  
Bredhin si yjet  
E humbur në shpirtin e galaktikës.

Shoh që kanë mbetur të vetmuar  
Në një rrugë asnjanëse,  
Rendin si somnambul  
Pranë hijeve të dyshimta.  
Rendin nëpër një udhë  
Kah kalojnë kuajt e drunjtë!?

## **DO PRESIM EDHE NJË KOHË**

Kur vjen dimri ai i ziu  
Në mua si shëmtimi sokëllin era.  
Kuajt e ujit,  
Ikin tejpertejmes  
Ikin për të mos u kthyer asnjëherë.

Kallkanët si bastunët e pleqve  
Qëndrojnë varur nëpër ullukët e çative  
Gjysmë të rrënuara,  
Një erë e ftohtë  
Frynë në katin e tretë të mendjes.

Jashtë hapësirës ku lindin alienët  
Kanë dalë njerëzit te mjegullat,  
Dhe i përshëndesin lejlekët  
Ka kohë që në tokën tonë  
Nuk i pamë,  
Lotët e gëzimit të të reshurave.

Do presim edhe një kohë  
Sa të zgjohen nga gjumi letargjik  
Banorët kryengritës,  
Të këtyre maleve  
Do të presim për herë të parë  
Ndryshimin e stinëve.

## TROKIT SI I ÇMENDUR

Kur s'kam se çfarë të bëjë  
Trokas,  
Çmendurisht trokas në portat  
E mbyllura të vetëdijes.

E mbyllura përherë  
Është e mbyllur,  
Dhe asnjëherë nuk hapet.  
Çfarë të bëjë me duart e mija  
Që rrinë varur,  
Si degët e akacies në kujtesë.

Trokas edhe në kotësinë time  
Sa të do shpirti trokit o njeri!  
Më thotë një zë:  
Nga brendia e lisit  
Trokit edhe atje ,  
Ku nuk hapen portat.

Nëse do mund të trokasësh askund  
Ti trokit në shpirtin e gurit,  
Trokit miku im !  
Trokit si i çmendur  
Vetëm guri i kupton trokitjet e tua.

*Prishtinë, 19 shtator 2013*

## SA E GJATË KJO NATË

Nuk mund të kuptoj  
Pse sonte metaforat e shpirtrave,  
Kërkojnë artin e shprehjes.  
Fshehtësinë e një loje tinëzare  
Nëpër xhepat e shqyera  
Të pantomimës.

Mbrëmë nuk kishte njeri  
Që mund t'i ndalte shirat!  
Të mos bien,  
Mbi flokët e thinjura të stinës.  
E kjo stinë e lagur  
Mbase sivjet po dimëron,  
Si arinjtë e egër nëpër shpella polare.

Ikin nëpër vende të panjohura  
S'po na kthehen më ,  
Miq të dikurshëm të fëmijërisë  
Nuk po kthehen këndeje pari,  
Si lejlekët në pranverë.

Asnjëri nuk u përngjan zogjve shtegtarë  
Po largohen fshehurazi;  
Me nga një arkivole në shpinë  
Duke i kërkuar nëpër ëndrrat e shthurura  
Kryqin e një fati të hidhur.

I kemi humbur të gjitha rrugët  
Si mund t'i përngajmë njeriut  
Që ecën vertikalisht.  
Deri te një dritë vezulluese  
Pas së cilës,  
Fshihen yjet endacak të shpirtrave.

Sa e gjatë kjo natë kur më ikën gjumi..!?



## MIKU IM I MIRË

Miku im i mirë  
Kur je i trishtuar,  
Ulu në dhembjen tënde  
Dhe recito vargje nga Rreshpja.

Mos u ndal  
Në asnjë dunë të erës,  
Shko deri atje  
Ku të pret Frederiku i madh.

Miku im i mirë  
Kur je i pikëlluar,  
Më prit edhe mua  
Të qajmë në duet.

Ta vajtojmë fëmijërinë  
E humbur,  
Që s'mund ta gjejmë  
Në asnjë emër të përshtatshëm.

Shikoi këpucët tona të shqyera  
Sa shumë po i përngjajnë,  
Tullumbave të Lulit.

## **PAM NJË AKT TË NGRIRË**

Era i picërronte sytë,  
Dhe i shtrëngonte grushtet.  
Jashtë acari,  
I lëpinte buzët e kallkanëve.

Një mermer i ngrirë,  
fshihej mes kolonadave të ngricës.  
Në shpirtin e çatisë,  
Bora e kuqe hyri si trishtimi.

Brenda një shtëpie të rrënuar  
Një oxhak i vetmuar,  
Pa asnjë copë dru  
Bisedonte me hirin e një viti të harruar.

Shtiza të helmuara nga tavani i vjetër  
Mbushur me merimanga,  
Zbritnin kohortat e kallkanëve  
Kur u lëshuan perdet antike  
Pamë një akt të ngrirë.

## **MËNGJESI GDHIU**

Hëna si një lehonë  
E bekuar,  
Rrinte diku pas bjeshke.  
Ylberet pritnin me padurim  
Një lindje të madhe.

Në sofrën e galaktikës  
Ishin ulur yjet,  
Dhe pritnin të filloj dasma.  
Meteorët i kishin mbushur pagurët  
Me kulloshtë, rreze,  
Dhe zbritnin te sheshi i madh.

Një tjetër hënë  
Hyri në shpirtin e orbitës,  
Kambanat s'pushuan atë natë.  
Mëngjesi gdhiu  
Më herët se kurdoherë.

## ZARFI I KALTËR

Me një letër të kaltër  
Në sqepin e kuq,  
Lejleku i verdhë rrinte mbi një oxhak.  
Ku askush më  
Nuk banon në atë shtëpi  
Ka kohë që janë mbyllur portat.

Si një betejë e panjohur  
Shtrihej e panjohura  
Në mendimet e shpendit shtegtarë;  
Askush nuk po i hap dyert  
Paska mbetur pa njerëz kjo shtëpi.

Letra mbi çati zhaurin  
Si një gjethe e fishkur vjeshte  
Lejleku dënes,  
Si nusja që e pret dhëndrin  
S'paska mbetur njeri i gjallë këtu  
Kujt të ja dorëzoj zarfin.

Qanë edhe çatia pa lot  
Nga të dy anët qenkan mbyllur dyert.  
As lejleku më,  
S'di se çfarë të bëjë  
Kujt të ja dorëzoj në dorë  
Zarfin e kaltër të një mërgimtari.

## **ERA E FTOHTË**

Më është shndërruar trupi  
Në një lisi të rrëzuar,  
Nëpër zgërbonjat e të cilit  
Kalojnë si ethet,  
Ciklone të tërbuara dallgësh.

I vetmi mik besnik  
Që më ka mbetur  
Është stoli im i molisur.  
Te parku i vjetër,  
Dhe gjethja e një stine të harruar.

Kush po troket sonte  
Si korbi,  
Në xhamat e kujtesës!

Paguri i vjetër mbi tavolinë  
Si një pikturë surrealistë,  
Mbushur me verë të bardhë  
Me padurim pret,  
Ndonjë mysafirin të paftuar.

Sonte askush më nuk e hap derën  
Ta pimë për shëndetin e erës,  
Gllënjken e fundit të trishtimit .

Në kopshtin e kajsishtave  
Kalben kajsitë,  
Të vjelat e pjergullave  
Po thahen nëpër degë.

Era e ftohtë  
Akoma sivjet po frynë,  
Nëpër zgërbonjat  
E shpirtit të vetmuar të rrapit.

## **PRESIN VDEKJEN E DIKUJT**

Sa herë që i lash fjalët peng  
Në shpirtrat e kortezheve,  
Zgjohej një trishtimi i egër  
Sa që të kafshonte në shpirt.

Vrapova si i trentë  
Nëpër zhaurimën e një dallge,  
Mbeta në fillim të rrugës  
Anijet veç,  
Kishin përfunduar me ankorimin.

Ecja ime nuk i përngjante askujt  
Më merreshin këmbët,  
Kurse bastuni im i vjetër.  
Për të dhjetën herë  
Rrëzohet dy hapa para meje.

Këtu njerëzit s'ta zgjasin dorën  
Presin vdekjen e dikujt,  
Që të nesërmen  
Të thurin oda e ditirambe.

Kur qajnë zogjtë,  
Si nëpër balada këndojnë rapsodët  
Me lahuta të verbëta.

## SHKUNDE TRISHTIMIN

Kur je i uritur ulu mbi forcën tënde  
Dhe imitoje të kaluarën,  
Ngjitu maje peme  
Shkunde trishtimin e urisë .

O njeri i mirë shkunde trishtimin  
Se përndryshe fundi është afër,  
Sa që ti asnjëherë  
Nuk mund të transformohesh në perëndi.

Prej forcës së skamjes  
Dikur janë ndërtuar,  
Piramidat mbi shpirtin e rërës  
Edhe malet u ngritën në këmbë.

Gurtë rrokullisen tërmal  
Mendjes së njeriut;  
Detet shndërrohen në duna  
Të lëngëta prej rëre.

Uria i ka sytë aq të trishtuara  
Sa që mund ta verbojë edhe diellin,  
Kur u këndon psalme të lashta  
Meteorëve endacak.



## SA HERË QË E HAPIM GOJËN

Për çdo ditë dhe në çdo kohë  
Në teatrin e rrejtshëm të jetës,  
Jemi artist të përsosur  
Me gënjeshttrat tona mund ta mbërrimë  
Zenitin e befasisë së shtatë.

Sa herë që e hapim gojën  
Nevojë e pa nevojë,  
Zbresim teposhtë shkallëve  
Të normave njerëzore.

Me rolet tona qesharake  
U përngjajmë klounëve endacak,  
Dhe sërish si njerëz që jemi  
Nuk kemi forcë,  
Të ja vëmë dizgjinët vetes.

U përngjajmë kuajve  
Kur largohemi nga mëgojëzat!..  
Një yll i shëmtuar,  
Mbi kokën tonë ngrit folenë e së keqes.  
Kurse ne kapemi për atë yll  
Si i mbyturi,  
Për fijen e kashtës së mykur.

## MIQTË E MI TË VJETËR

Zbrita nga kontrapunkti i fjalëve  
Vrapova si somnambul i dehur;  
Rrugëve të fëmijërisë  
Asnjë kalimtarë i njohur.  
Ose i panjohur  
Nuk pinte ujë shatërvani.

Çarshia e dikurshme  
Nëpër gjumin e së cilës,  
Si të shastisur vraponin  
Djelmoshat e mëhallës  
vuante nga etja.

Buzë lumit vraponin  
Pas hijes së një vashe sykaltër,  
Tani i tërë peizazhi kishte mbetur  
Pa dyqanet e saja të vjetra.

Më duket se kisha ortodokse  
Ishte zvogëluar pa masë,  
Asnjë njeri nuk hynte e as që delte  
Nga shpirtngushtësia e saj  
Si dikur kur vraponin te popi i tyre  
Për t'i bekuar armët.

Njerëzit dukeshin krejtësisht ndryshe  
Po ashtu edhe miqtë e mi të vjetër;  
E të moshuar,  
Duke i lexuar gazetatat e vjetra  
Veç ishin shndërruar në harresë.

## PAK ËSHTË VONË

Në orët e vona  
Kur dëgjohen kambanat  
E heshtjeve,  
Në shpirtin e një kontrapunkti  
Lehin meteorët.  
Tmerrësisht lehin  
E nuk pushojnë mjegullat.

Pak është vonë  
Ndoshta nesër do të nisemi,  
Deri te golgota.  
Atje ku një njeri vdes çdo ditë  
Për një drejtësi  
Të padrejtë.

Pastaj do presim në ankth  
Një rigjykim të dytë,  
Shi do të bie  
Në anën e kundërt të mendjes.

Po që se largohen zogjtë  
Do të fillojnë të shkrihen  
Kallkanët e mendimeve.

Ky lloj teatri endacak  
Sonte i paska harruara ,  
Të gjitha rolet  
Kur të mbërrimë në fund të rrugës  
Do kuptojmë ,  
Se si qajnë zogjtë e Parajsës.

## **THUA SE JANË TË DRUNJTA**

Sa shumë qenkam plakur sivjet  
Diçka po ma sëmbon,  
Lëkurën e regjur pas shpine.  
Këpucët po lëvizin më ngadalë  
Aq ngadalë,  
Thua se janë të drunjta.

Nuk vijnë më as mjegullat  
Në qytetin tim,  
Ose më janë errësuar sytë  
Dhe s'jam duke parë asgjë,  
Kush po zbret teposhtë asaj rruge  
Me mallin djaloshtar.

Po thonë se  
Në lagjen e poshtme,  
Sërish po dëgjohen kambanat..!  
E çfarë më duhen mua tani?!  
Ka një kohë të gjatë  
Që më kanë tradhtuar  
Shqisat e të dëgjuarit.

*Prishtinë, 20 shtator 2013*

## KU PO TË LËMË KËSHTU

Duke ikur varg e vi  
Si kopetë e egra,  
Shtigjeve të pakalueshme  
Po dalim tej kufirit shqim.  
Po të lëmë si qyqen  
Atdheu im.

Po na përcjellin pleqtë  
Me pak lot,  
E me më shumë pikëllim  
Po të lëmë si qyqen  
Atdheu im.

Po të lëmë me dertet  
Dhe hallet e tua,  
Kryesore ne të shpëtojmë  
Por nuk dimë,  
Se kah po na qojnë udhët  
Atdheu im.

Në erë e terr,  
Po zhdukemi si zogjtë e qyqes  
Po të harrojmë ,  
Duke të lënë në ferr  
Atdheu im.

Po të lëmë me gjëmën tënde  
Ne po ikim,  
Si zogjtë e verbër shqim.  
Ku po të lëmë kështu  
Atdheu im?!



## **KUR E PËRKUNDNIM MBRËMJEN**

Kur të zë trishtimi  
Mua do të më kesh pranë;  
I tëri kështu siç jam  
Do vij të qajë në prehrin tënd.

Të kujtohet,  
Kur ishim të rinj dënesnim si fëmijë?  
Netët na zinin  
Duke i fshirë lotët e erës  
E cila qante tok me ne.

Më duket se,  
Kjo dënesje ishte vaji i jonë  
Mbi gjethet e njoma të stinëve.  
Kur e përkundnim mbrëmjen  
I numëronim ,  
Puthjet e yjeve endacak.

Kjo ishte e vetmja mënyrë  
E dashurisë platonike,  
Edhe pa e prekur njëri - tjetrin  
Në shpirtin e barit,  
Ekzaltoheshin gishtat dhe thonjtë  
Sa që buzët tona,  
I përngjanim puthjeve të para.



*Në kontrapunktin e kujtesës*  
*Cikli i tretë*



## NGA ZËRI I TOKËS MËMË

Në zgërbonjën e shpirt  
Po frynë një erë e acartë,  
Lisat ecin ledheve  
Kjo plagë e thellë kullon pjalm.

Degët e zverdhura si gjethet  
Paskan hyrë në gjumin e baladave;  
Nga zëri i tokës mëmë  
Si ofshamat depërtojnë kalorësit.

Me vesën e mëngjesit të përgjakur  
Krojet po i lajnë sytë e përgjumura;  
Dielli paska ikur nga qyteti im  
Trishtueshëm cijatin shpirtrat e netëve.

*Prishtinë, 21 shtator 2013*



## NË KONTRAPUNKTET E KUJTESËS

Kur marinarët e dehur  
I ankorojnë,  
Shpirtrat e dallgëve në horizont.  
Atë çast,  
Fillojnë tregimet fantazmagorike  
Që u përngajnë,  
Përrallave të ngarkuara me iluzione.

Secili prej tyre  
Ka parë nga një peshk  
Të artë.  
Duke ikur nga një baladë  
Ose një peshk tjetër prej uji,  
Që me madhësinë e tij  
Ua tejkalon anijeve kozmike.

Dikur më vonë  
Kur zbret muzgu katran,  
Peshkatarët fillojnë të dehen  
Dhe secili prej tyre u përngjan  
Xhamave të kristaltë të erës,  
Që bëhen copë e grim nga dhembja.

2.

Kurse loti i gotës së dehur,  
Dhe i verës së trishtuar  
Mbytet në dhembjet njerëzore!  
Mbyten edhe disa lloje  
Të peshqve jashtëtokësor,  
Që asnjëherë  
S'janë dukur në ujërat tona.

Pak më vonë...  
Dikur kur kah mesi i natës,  
Filluan të zbehen serenatat  
Në kontrapunktet e kujtesës  
Së detarëve...  
Zënë vend të trishtuar  
Ëndrrat e dallgëve të virgjëra.



## EDHE QENI I SAJ

Ulur mbi një kërcu  
Shkapërthen komçat e një lisi!  
Gjethet e dehidruar qajnë si mushkonjat  
Në zgërbonjën e rrapit plak ,  
Po fshihen vitet e humbura.

Gjelbërimi sot paska mbetur i vetmuar  
Askurrkund ,  
S' duken kokrrat e klorofilit.  
Në këtë shtëpi me xhama të thyera  
Troket një vjeshtë e vonë.

Plakat e lagjes sonë  
Nuk i hapin portat e as dritaret  
Edhe qentë;  
Paska një lehje të pakontrolluar  
Kurse dyert e drunjta ,  
Janë të mbyllura nga brenda.

Asnjeri më nuk hynë  
E as nuk del nga ajo shtëpi,  
S' dëgjohen më as të trokiturat e erës  
Si zogjtë e egër.  
U larguan edhe banorët e fundit  
Mbase Askush më nuk troket,  
Në portat e mbyllura të vjeshtës.

## **SËRISH VJEN PRANVERA**

Nëpër portat e rrugicave të qyteti  
Mbrëmë trokiti vjeshta e hershme.  
Trokiti edhe era,  
Me një pallto të veshur prej bredhi  
Parakaloi si perëndi  
Dita e parë e stinës.

Një mallëngjim i paparë  
Deri më sot;  
Trokiti në shpirtin tim  
Më erdhi ndërmend im atë  
Ai burrë sykaltër e shtatlartë.

Më dolën parasysh imazhet  
Kur e lubrifikonte me një dashuri,  
Të paparë deri më sot  
Pushkën e vjetër,  
Që shpeshherë lahej me mburrje.

Më kujtohen fjalët e babait  
Kur thoshte në heshtje,  
Po afrohet dimri  
Duhet të pushoj pak ,  
Kjo pushkë e mirë  
Se sërisht vjen pranvera bir.

## HAPEN DHE MBYLLEN ZËRAT

Një pikë shiu..!  
Si pëllumbi i plagosur  
Lëshohet mbi syrin e kaltër të liqenit.  
Nga piskamat e bretkosave të gjelbra  
Hapen rrathët magjik,  
Prej një flluske uji  
Fluturojnë dy zogj të bardhë.

Shiu bie mbi daullet e zërave  
Ky kor i paakorduar;  
I degëve të zhveshura  
I ka gjetur sonte.  
Fijet e një balade të vjetër  
Dhe këndon  
Si mjellmat e zeza.

Nuk ndalet...  
As ajo melodi e trishtë!  
E një porte të vetmuar  
Hapen dhe mbyllen zërat;  
E zogjve të verbër  
Në sqepin e lënduar të rrapit plak  
Mbinë një degë e pikëlluar.

## **TË DIELAVE KAM KOHË**

Të dielave kam kohë të hyj  
Mes vargjeve,  
Nga zëri i kambanës të huazoj  
Tingullin e ujit,  
Dhe pastaj të eci deri te portat  
E të panjohurës.

Në kontrapunktin e mendimeve  
T'i shaloj kuajt e egër të erës,  
Kam mundësi të bisedoj  
Me shirat e pasdites,  
Dhe të bredhë  
Nëpër kujtesën e një cope mjegulle.

Nga vetmia mësova mjeshttrin  
E fluturimit të bletës,  
E cila mëngjeseve me vesë  
Mbjellë shpirtin e saj;  
Nëpër lulet e posa të çelura  
Duke e mësuar mënyrën  
E frymëmarrjes së ekzistencës.

Të dielave kam kohë  
Të shikoj kah bie shiu imcak  
I pranverës.  
Dhe kur nuk bie me rrebesh  
Shiu i vjeshtës,  
Pastaj bisedoj me kërpudhat  
E mykura.  
Dhe nga ëndrra e gjelbërimit mësoj  
Për rrugët e të reshurave;  
Kur kthehen përfundimisht  
Në burimet e tyre paraprake .

*Prishtinë, 20 shtator 2013*

## **ATDHEU IM**

Atdheu im është toka  
Ku prehen gjyshërit e mi kryeneç;  
Janë varret dhe tumat ilire  
Që dëshmojnë ekzistencën  
E fluturimit të zogjve.

Atdheu im është deti  
Nga i cili dalin shpirtrat nënujore;  
Dhe i këndojnë jetës  
Psalmet e një kohe të lashtë  
Kur shpendët e shenjtë  
Fluturojnë mbi sinorët e kafshuar.

Atdheu im janë malet  
Lisat e gjatë,  
Me nga një zgërbonjë në shtat  
Ku flenë tregimet e gjyshërve legjendar  
Dhe stivohen ,  
Ëndrrat e një populli të lashtë mitik.

## QESHI DHE IKU

Të kujtohet mikja e ime  
Fare mire të kujtohet,  
Kur trokita në shpirtin tënd  
Ishte një dimër i zi,  
Dimri në të cilin zihej peshkvja  
Në syrin e çdo shqiptari.

Çakajtë nuhasnin fërkemet e hapave  
Kur kalonim rrugëve të Prizrenit,  
Fshehur nën palltot shkumësa  
Dhe ditarin e klasës së parë.  
Kurse ti e mbaje ditarin  
E klasës së tretë,  
Të mbështjellë me një gazetë të vjetër.

Ka pas edhe polic të mirë  
Kur na kontrolloi ai hundë madhi  
Në xhepin e këmishës tënde blu.  
I gjeti dy shkumësa  
Dy shkumësa si dy plumba;  
Të kujtohet!?  
Se si i qeshi fytyra e atij burri  
Aha, ju qenkeni mësuese  
Qeshi dhe iku...

## KJO KOHË

Kjo puhi e lehtë tinëzisht ka hyrë  
Në xhepat e mbrëmjes,  
Çapkënçe qeshin hijet  
Me mollët e pjekura në degë.

Ti ecën si zana malit  
Bulevardit tatëpjetë,  
Si lumenjtë e çmendur  
Pas teje derdhen shikimet.

Ofshamat s'pushojnë  
Nën hapat e tua me taka,  
Gjëmon shpirti i tokës  
Çohen peshë kalorësit e mëngjeseve .

*Prishtinë, 23 shtator 2013*



## **KJO NATË E GJATË**

Kjo natë e gjatë  
Nuk paska të sosur sonte;  
Ikonat si shkëlqimet e yjeve  
Zbritën nga degët e mjegullave,  
Dhe rrinë ulur  
Te zambakët e posa paçelur.

Një freski e vonshme vjeshte  
Hyri si fryma e mirë  
Mes njerëzve.  
Në degët e ullirit mijëvjeçar  
Po ringjallet mëngjesi.

Një zog doli nga lëvozhga e drurit,  
Dhe kurrë më  
Nuk u ndalën fluturimet.

## DERI TE ËNDRRA E JOTE

Nëse nuk beson  
Si mund të mbërrish deri te ëndrra e jote!  
Nuk ke asnjë shans  
Miku im,  
Asnjë shans  
Të ecësh vertikales së gjetheve.

Kjo muranë e gërryer  
Që ka mbetur në këmbë,  
Vetëm në bazë të besimit  
Akoma qëndron krenar si rrapi  
Kundrejt horizontales.

Ne ecëm dhe mbërrimë  
Këtu ku jemi,  
Vetëm se vetëm që ishim të bindur  
Se gjethet në shpirtrat tona,  
Mund të marrin frymë  
Nga rrënjët e lisit.

Edhe ti miku im  
duhet të kesh besim,  
Në besimin tënd  
Po që se mendon ndryshe  
Ti kurrë nuk mund të mbërrish  
Deri te ëndrra e jote.

## TE KEPI I MALLKIMIT

Po bredhin,  
Po venë si kolonë lejlekësh  
Nëpër ishuj të panjohur.  
Shpirtrat e shirave  
Këto re të dendura  
Largohen si kopetë e bardha.

Në pasqyrën e qiellit gri  
Tufa çafkash,  
Lahen në djersët e yjeve.

Një shtëllungë tymi të zi  
Si anijet e humbura,  
Noton qiellit katran.

Meteorët pa shpresë  
Po i ankorojnë duart e prera të erës;  
Tërbimet e dallgëve  
I tejkalon mundësit njerëzore.  
Te moli presin nuset  
Peshkatarët e zhdukur të mëngjeseve.

Po frynë  
Me tërbim dallgësh çmendet deti;  
Një varkë e vetmuar  
Tundet diku në largësi,  
Tunden dëshirat e kota të algave  
Te kepi i mallkimit  
Qajnë sirenat e detit Adriatik.

## **NJË BRESHKË E MOSHUAR**

Thanë se po digjen  
Trungjet e kumbullave  
Një duhmë e rënd hiri.  
Përhapet tekandej brigjeve të lumit  
Uji i përflakur,  
Si peshkvja vlon në shuplakat e ajrit.

Te një degë e thyer rri ulur  
Një kumri gjysmë e pjekur,  
Dhe qan si njeri  
Fishkja e barit të verdhë ka kohë ,  
Që po i përngjan  
Ëndrrave të një pëllumbi rebel.

Sa shumë po ndryshojnë  
këto imazhe morbide,  
Orë e çast largohen zogjtë.

Nuk ka më degë  
Në fushat e kumbullave,  
Një breshkë e moshuar  
Ecën pa një këmbë.

Një zjarr i tërbuar  
Seç e djegë fushën e pikëllimit!..  
Në buzët e shkrumbuara të sinorëve  
Si rrëshira e verdhë,  
Po kallen flakë ëndrrat e lastarëve.

## DY HIJE TË PANJOHURA

Ndonjëherë lëvizim ngadalë  
Shikimet tona të plogështa,  
Përvidhen përreth petaleve të zeza  
Të zambakëve.

Kori i bretkosave në frymëmarrjen e erës  
E kërkon shkopin e dirigjentit;  
Psalmes kanë mbetur si fëmijët bonjak  
Jashtë xhamave të kujtesës,  
Një arkivol i zi proteston te varret.

Dy hije të panjohura,  
Filluan të ngjizen te murishtat.  
Mes gishtave të verdha  
Të guralecëve gri,  
Shumohen algat e murrme të vjeshtës.

Na mbyti kjo stinë e pashpirt  
Lumenjtë e gjakut çmendurisht;  
Depërtojnë nëpër lëkurën e tokës  
Dikush me qëllim ose pa të  
I kyçi llambat e shkyçura,  
Nga shpirti i vdekur i liqenit  
Po dalin do zogj të imagjinuar.

*Prishtinë, 25 shtator 2013*





## SHËNIME BIOGRAFIKE PËR AUTORIN

**Adem Zaplluzha** u lind në Prizren, më 1943. Shkollën fillore dhe të mesme i kreu në vendlindje, ndërsa Akademinë Pedagogjike në Prishtinë. Një kohë punoi si mësues nëpër fshatrat Studençan të Therandës (ish Suharekës) dhe Hoça e qytetit, afër Prizrenit. Ndërkohë punësohet si përkthyes në Korporatën Energjetike të Kosovës. Me shkrime filloi të merret kryesisht me poezi që nga mosha e fëmijërisë. Rrugën letrare e nisi me vjershën e parë për fëmijë të cilën e botoi në revistën “Pionieri”, më 1957. Si i punësuar në Korporatën Energjetike të Kosovës bashkë me shokët e punës dhe pendës themeloi grupin letrar “Lulëkuqet e Kosovës”. Në Kuadër të punës së këtij grupi letrar qe botuar përmbledhja “Ngjyra e kohës”, në të cilën u përfshi një numër i konsideruar i poezive të tij. Krahas krijimeve të publikuara në revistat për fëmijë, botoi edhe një serë shkrimesh nëpër gazetatat e kohës që dilnin në Prishtinë dhe Shkup. Është anëtar i Lidhjes së shkrimtarëve të Kosovës, prezent në disa antologji dhe në librin Kosova letrare të poeteshës Monica Mureshan. Është prezantuar në *Leksikonin e Shkrimtarëve Shqiptarë 1501-1990*, nga Hasan Hasani, në *Leksikonin Shkrimtarët Shqiptarë për fëmijë 1872 - 1995* nga Odhise K. Grillo, si dhe në

librin *Portrete Shkrimtarësh* nga Demir Behluli, Prishtinë 2002.

Në vitin 2013 Klubi i Shkrimtarëve dhe i Artistëve të Durrësit ia ndau çmimin e karrierës për kontributin në letrat shqipe. Jeton dhe krijon në Prishtinë ndërsa aktivitetin letrar e zhvillon në kuadrin e Klubit letrar “Fahri Fazliu”, në Kastriot.

## BOTIME TË AUTORIT

1. **“Puthje”,** poezi, “Rilindja”, Prishtinë, 1974.
2. **“Ecjet e viteve të mëdha”,** poezi, “Jeta e Re”, Prishtinë 1995.
3. **“Çamarrokët e Thepores”,** poezi për fëmijë, “Shkëndija”, Prishtinë 1996.
4. **“Muret”,** poezi, “Jeta e Re”, Prishtinë, 1997.
5. **“Morfologjia e dhembjes”,** poezi, “Faik Konica”, Prishtinë, 2000
6. **“Ai vjen nesër”,** poezi, Qendra e Kulturës, Klubi letrar “Fahri Fazliu”, Kastriot, 2007
7. **“Letër nga mërgimi”,** poezi, Klubi letrar “Fahri Fazliu” Kastriot , 2007
8. **“Letër nga mërgimi 2 “** poezi, “Qendra e Kulturës”, Klubi letrar , “Fahri Fazliu”, Kastriot 2007
9. **“Udhëdarja”,** poezi, “Qendra e Kulturës”, Klubi letrar , “Fahri Fazliu”, Kastriot , 2008
10. **“Thirrje e gjakut”,** poezi, “Qendra e Kulturës”, Klubi letrar, “Fahri Fazliu” Kastriot 2008
11. **“Asgjë sikur molla”,** poezi, “Qendra e Kulturës”, Klubi letrar “Fahri Fazliu”, Kastriot, 2009.
12. **“Vesa në lotin tim”,** poezi, “Qendra e Kulturës”, Klubi letrar “Fahri Fazliu”, 2009,
13. **“Puthja e gozhduar”,** poezi, “Qendra e Kulturës”, Klubi letrar, “Fahri Fazliu”, Kastriot , 2009.
14. **“Kashelasha në vargje”,** poezi për fëmijë, “Qendra e kulturës, Kastriot, 2009.

15. **“Pema e bekuar”**, E përkthyer, Rumani, 2010.
16. **“Bajraktarët e vatanit”**, poezi satirike, Klubi letrar, ”Fahri Fazliu” Kastriot , 2010.
17. **“Hijet e ndryshkura”**, poezi,”Qendra e kulturës”, Kastriot,2010.
18. **”Stuhi në Kutulishte”**, poezi,”Qendra e kulturës”, Kastriot,2010.
19. **“Posa ikte nata”**, poezi, “Qendra e kulturës “, Kastriot,2010.
20. **“Loja e myshqeve”**, poezi,”Qendra e kulturës”, Kastriot,2010.
21. **”Lumëbardhi dhe gjëma”**, poezi,”Qendra e kulturës”,Kastriot, 2010
22. **“Metafora e heshtjes”**, poezi, “Qendra e kulturës”,Kastriot, 2010
23. **”Hyji në Prekaz”**, poezi,”Qendra e Kulturës”, Kastriot,2010.
24. **”Sinorët e hinore”**, poezi, Shoqata e Shkrimtarëve-Kastriot 2010
25. **”Don Kishoti dhe Rosinanti”**, poezi, Shoqata e Shkrimtarëve, Kastriot, 2010
26. **”Zjarri i dashurisë”**, poezi, Shoqata e Shkrimtarëve-Kastriot, 2010
27. **”Kur likenet vallëzojnë”**, poezi, Shoqata e shkrimtarëve-Kastriot, 2010
28. **“Ditari në vargje”**, poezi, Shoqata e Shkrimtarëve-Kastriot, 2010
29. **“Tingujt që nuk përfundojnë”**, poezi, Shoqata e shkrimtarëve –Kastriot, 2010.
30. **“Shtegu i mallit”**, poezi, Shoqata e shkrimtarëve-Kastriot, 2010

31. **"Korniza e thyer"**, Poezi, Shoqata e shkrimtarëve, -Kastriot, 2010
32. **"Zgjimi i gjëmës"**, Poezi, Shoqata e Shkrimtarëve-Kastriot, 2010
33. **"Vallja mistike"**, Poezi, Shoqata e Shkrimtarëve- Kastriot, 2010
34. **"Merre kodin"**, Poezi për fëmijë, Shoqata e shkrimtarëve Kastriot, 2011
35. **"Letër atdheut"** poezi, Shoqata e Shkrimtarëve-Kastriot, 2011
36. **"Tejdukshmëria e shiut"**, Poezi, Shoqata e Shkrimtarëve- Kastriot, 2011
37. **"Përtej teje"**, poezi, Shoqata e Shkrimtarëve-Kastriot, 2011
38. **"Sa afër e sa larg"** , poezi, Shoqata e shkrimtarëve-Kastriot, 2011
39. **"Vallja e zanoreve"**, Poezi , Shoqata e Shkrimtarëve- Kastriot, 2011
40. **"Ikja e eshtrave"**, Poezi për të rritur, Shoqata e Shkrimtarëve- Kastriot, 2011
41. **"Kalorësit e mjegullave"**, Poezi, Shoqata e shkrimtarëve-Kastriot, 2012
42. **"Hingëllimat e shiut"**, Poezi, Shoqata e Shkrimtarëve- Kastriot 2012
43. **"Kur pemët i ndërrojnë këmishët"**. Poezi, Shoqata e Shkrimtarëve- Kastriot, 2012
44. **"Mirëmëngjes Imzot"**, Poezi, Shoqata e shkrimtarëve – Kastriot, 2012
45. **"Kafshimi i mikut"**, Poezi satirike, Shoqata e Shkrimtarëve- Kastriot, 2012
46. **"Atje tej maleve"**, Poezi, Shoqata e shkrimtarëve , Kastriot-2012

47. **“Heshtja që del në shesh,”** Poezi, Shoqata e Shkrimtarëve, Kastriot -2012
48. **“Portat e shpresës,”** Poezi, Shoqata e shkrimtarëve, Kastriot-2012
49. **“Në dhomën time gjysmë të errët,”** Poezi, Shoqata e Shkrimtarëve- Kastriot, 2012
50. **“Kinse Lojë Shahu,”** Poezi, Shoqata e Shkrimtarëve- Kastriot, 2012
51. **“ Për çdo dekadë nga një baladë “,** Poezi, Shoqata e Shkrimtarëve – Kastriot, 2012
52. **“Fusha e mëllenjave,”** Poezi, Shoqata e shkrimtarëve- Kastriot, 2012
53. **“E kujt është kjo vetmi,”** Poezi, Shoqate e Shkrimtarëve- Kastriot, 2012
54. **“Mos pyet për adresën e lumit,”** Poezi, Shoqata e Shkrimtarëve – Kastriot, 2012
55. **“ Stoli në parkun vjetër”** Poezi, Shoqata e Shkrimtarëve- Kastriot, 2012
56. **“Urori i stralltë,”** poezi, Shoqata e shkrimtarëve –Kastriot, 2012
57. **“Po të mos ishte fjala,”** Poezi, Shoqata e shkrimtarëve- Kastriot,2012
58. **“Thyerja e urave,”** poezi, Shoqata e shkrimtarëve –Kastriot, 2012
59. **“ Trokëllimat në gjumin e dallgëve,”** Poezi, Shoqata e Shkrimtarëve- Kastriot, 2012
60. **“ Në flokët e dëborës,”** poezi, Shoqata e Shkrimtarëve –Kastriot, 2012
61. **“Një grusht nostalgji,”** Poezi, Shoqata e Shkrimtarëve-Kastriot, 2012
62. **“ Kur filluan të flasin njerëzit,”** poezi, Shoqata e shkrimtarëve- Kastriot, 2012

63. **“Kur stinët kapërcejnë fshehurazi”**, poezi, Shoqata e Shkrimtarëve – Kastriot, 2012
64. **“ Lisi në rrënjët e veta”**, Poezi, Shoqata e Shkrimtarëve –Kastriot 2012
65. **“Eca ecëm dhe do ecim”**, Poezi, Shoqata e Shkrimtarëve – Kastriot, 2012
66. **“Fëmijët e erës”**, Poezi, Shoqata e shkrimtarëve-Kastriot 2012
67. **“ Çast në fund të stinës”**, Poezi, Shoqata e Shkrimtarëve- Kastriot-2012
68. **“Si të flas me drurët”**, Poezi, Shoqata e Shkrimtarëve-Kastriot, 2012
- 69, **“ Më pëlqejnë mendimet e tua”**, Poezi, Shoqata e Shkrimtarëve- Kastriot , 2012
70. **”Andej dhe këndej kohës”**, poezi, Shoqata e Shkrimtarëve- Kastriot , 2012
71. **“Zëri i heshtjes”**, poezi, Shoqata e Shkrimtarëve- Kastriot, 2012
72. **“Kush i lexoi letrat prej erës”**, poezi, Shoqata e Shkrimtarëve-Kastriot, 2012
73. **“ Fluturimi i korbave në netët pa hënë”**, prozë poetike, Shoqata e Shkrimtarëve –Kastriot, 2012
74. **“Koha e ime dhe koha e jote”**, Poezi, Shoqata e Shkrimtarëve-Kastriot , 2012
- 75.” **Diku te një baladë”**, Poezi, Shoqate e Shkrimtarëve –Kastriot, 2012
76. **“ Sonte çdo gjë po i përngjan lotëve”**,Poezi, Shoqata e Shkrimtarëve –Kastriot, 2012
- 77 **“ Ky def prej hëne”**, Poezi, Shoqata e Shkrimtarëve-Kastriot, 2012
- 78.**“Pyesni zogjtë në ikje ”**,Poezi , Shtëpia botuese “Fahri Fazliu”- Kastriot 2013

79. “**Fërfërimë gjethesh**”, Poezi, Shtëpia botuese “Fahri Fazliu”, Kastriot- 2013
80. “**Refrene yjesh**”, Poezi, Shtëpia botuese “Fahri Fazliu”- Kastriot, 2013
81. “**Te delta e mjellmave**”, Poezi, Shtëpia botuese “Fahri Fazliu”, Kastriot- 2013
82. “**Rinjohja**”, Poezi, Shoqata e Shkrimtarëve “Fahri Fazliu”- Kastriot, 2013
83. “**Diku në fund të një fillimi**”, Poezi, Shoqata e Shkrimtarëve, “Fahri Fazliu”- Kastriot, 2013
84. “**Makthi i hijes**”, Poezi, Shoqata e Shkrimtarëve-“ Fahri Fazliu”Kastriot, 2013
85. “**Një zog prej uji**”, Poezi, Shoqata e Shkrimtarëve “Fahri Fazliu”- Kastriot
86. “**Asnjë fjalë nuk frymon**”, Poezi, Shoqata e Shkrimtarëve, “Fahri Fazliu”- Kastriot, 2013
87. “**Daullet e një nate**”, Poezi, Shoqata e shkrimtarëve “Fahri Fazliu”-Kastriot 2013
88. “**Sytë e gurtë të erës**”, Poezi, Shoqata e Shkrimtarëve “Fahri Fazliu”- Kastriot, 2013
89. “**Kur dehen perënditë**”, Poezi, Shoqata e Shkrimtarëve “Fahri Fazliu”-Kastriot -2013
90. “**Fjetëm njëqind shekuj**” Prozë poetike, Shoqata e Shkrimtarëve “Fahri Fazliu”-Kastriot , 2013
91. “**Krakëllimat e natës**”,Poezi, Shoqata e shkrimtarëve “Fahri Fazliu”-Kastriot, 2013
92. “**Ndjekësit e enigmave**”, Poezi, Shoqata e Shkrimtarëve “Fahri Fazliu”-Kastriot -2013



- 93. “Atdheu i paçmuar”** Poezi, Shoqata e Shkrimtarëve-“ Fahri Fazliu”- Kastriot, 2013
- 94.”Psalm i harruar ”**, Poezi, Shoqata e Shkrimtarëve, “Fahri Fazliu”Kastriot 2013
- 95,”Për kë po bie moj kambanë”**, Poezi Shoqata e Shkrimtarëve “Fahri Fazliu”-Kastriot, 2013
- 96. “Mbi flokët e ullukëve”**, Poezi, Shoqata e Shkrimtarëve “Fahri Fazliu” Kastriot 2013
- 97. “Menatë vijnë lejlekë”**, Poezi, Shoqata e Shkrimtarëve “Fahri Fazliu” Kastriot 2013
- 98. “Loti i gotës së derdhur”** , Poezi, Shoqata e Shkrimtarëve “Fahri Fazliu” Kastriot 2013

## PËRMBAJTJA

<b>Si një imazh i largët - Cikli i parë .....</b>	<b>11</b>
Eja sonte! .....	13
Kur dënesin pemët .....	15
Akoma nuk kuptuam. ....	16
Ky gjeth që bie në tokë .....	18
Ajo ishte dielli .....	19
Kryqi im prej lotëve .....	21
Më prit moj vogëlushe .....	22
Pikonte trishtimi .....	23
Shko ku të duash .....	24
Jam po ai njeri .....	25
Sot më nuk jam unë .....	27
Degët e thyera të pemëve .....	28
Kalon dete e male .....	30
Nëpër këto rrugë të pasosura .....	31
Ia falën edhe dashurinë .....	32
Të mbijë edhe e nesërmja .....	33
Cili plep .....	34
Padukshmëria .....	36
Si një imazh i largët .....	38
Kam nevojë .....	39
Vetëm një qyqe mali .....	41
Një ditë do të kthehem! .....	42
<b>Kur e përkundnim mbrëmjen - Cikli i dytë .....</b>	<b>43</b>
Njerëzit dhe rrugët .....	45
Po të kisha mundur .....	47
Bini daullexhi.!? .....	48
Secili prej nesh .....	50
Një zog .....	51
Në një rrugë asnjane .....	52

Do presim edhe një kohë .....	53
Trokit si i çmendur .....	54
Sa e gjatë kjo natë .....	55
Miku im i mirë .....	57
Pamë një akt të ngrirë! .....	58
Mëngjesi gdhiu .....	59
Zarfi i kaltër .....	60
Era e ftohtë .....	61
Presin vdekjen e dikujt!?	63
Shkunde trishtimin .....	64
Sa herë që e hapëm gojën .....	65
Miq të e mi të vjetër .....	66
Pak është vonë .....	68
Thua se janë të drunjta .....	70
Ku po të lëmë kështu .....	71
Kur e përkundnim mbrëmjen?! .....	73
<b>Në kontrapunktin e kujtesës - Cikli i tretë .....</b>	<b>75</b>
Nga zëri i tokës mëmë .....	77
Në kontrapunktin e kujtesës .....	79
2. ....	80
Edhe qeni i saj .....	81
Sërish vjen pranvera .....	82
Hapen edhe mbyllen zërat .....	83
Të dielave kam kohë .....	84
Atdheu im! .....	86
Qeshi dhe iku .....	87
Kjo kohë .....	88
Kjo natë e gjatë .....	89
Deri te ëndrra e jote .....	90
Te kepi i mallkimit .....	91
Një breshkë e moshuar .....	93
Dy hije të panjohura .....	95

Katalogimi në botim – (CIP)

Biblioteka Kombëtare e Kosovës “Pjetër Bogdani”

821.18-1

Zaplluzha, Adem

Loti i gotës së dehur / Adem Zaplluzha. -  
Kastriot : Shtëpia Botuese “Fahri Fazliu”, 2014. -  
108 f. ; 21 cm.

Shënime biografike për autorin : f. 97-105

**ISBN 978-9951-664-14-1**